

浩融遠忽 指嶽池瓊 調明趨管
遼儼蘊緯

道言此諸天中大梵隱語无量之音普文書
北元連臺水帝七精之室南靈憲胞末館飛
華之官用平制水火舉抑璇璣進退二候以
成大化天地交泰日月運行陰陽發生僊聖
變化升降上下比之權衡斟酌量宜以畜萬
有其道不忒三辰頓躍攝受失理則五魔盜
柄太上所祕藏之寶辨神通自然一切无礙
翔為龍鳳伏為龜蛇道妙都括不使世知字
皆廣長一丈天真皇人昔書其文以為正音
有知其音能齋而誦之者諸天皆遣神府玉
郎真王上吏下觀其身書其功勤上奏諸天
萬神朝禮地祇侍門大敷真王保舉上清道
備尅得遊行三界昇入金門

此音无所不除无所不覆无所不度无所不
成天真自然之音也故誦之致飛天下觀上
帝遙唱萬神朝禮三界侍軒群扶來首鬼精
自亡琳瓊振響十方肅清水无漂溺火不炎
燔萬靈振伏招集群僊天无氛穢地无杖塵

冥慧洞清大量玄玄也

元始无量度人上品妙經卷之四十六

正一天師清微弟子 洪百堅 製作

道教學術資訊網站

靈寶无量度人上品妙經卷之四十七

祈禳水旱品

道言昔於妙成天中晨霞風歌大真和土受
元始度人祈禳水旱妙品元始天尊當說是
經周迴十過以召十方始當詣座天真大神
上聖高真妙行真人十方龍王水旱二司八
海水曹三元火官四濟主者雷電大神流火
神將赤帝使者靈官騎吏无軟數衆乘空而
來流景之輿洞霄之輦曲晨垂陰丹精吐光
華色分華煥朗太空七日七夜諸天金闕瓊
宮絳房琳府一時靜肅星躔交彩丹桂凝芳
霧林蔚蔥虹梁控帶天光暉曜日映重輪一
國地土山川林木緬平一等无復高下土皆
作翠玉柔明瑩徹无有異色衆真侍座
元始天尊玄坐空浮九光結雲圓景遊龍之
上說經一徧諸天大聖同時稱善一國境界
和氣沖融物无疵厲說經二徧草木敷榮萬
寶成實說經三徧霧林集鳳葉布天章說經
四徧蓮露含華藥藏仙液說經五徧水火得
宜動植榮暢說經六徧雲行雨施泉定河平

說經七編三靈奉時照明合曜說經八編聖
 運普身群生同奉說經九編萬國咸寧陰陽
 時若說經十編帝道永昌業隆政備是時一
 國是男是女莫不傾心皆受護度咸得長生
 道言是時元始天尊說經一編東方發令龍
 主水旱二司无執之衆浮空而至說經二編
 南方大明龍王水旱二司无執之衆浮空而
 至說經三編西方肅政龍王水旱二司无執
 之衆浮空而至說經四編北方通生龍王水
 旱二司无執之衆浮空而至說經五編東北
 鎮山龍王水旱二司无執之衆浮空而至說
 經六編東南風化龍王水旱二司无執之衆
 浮空而至說經七編西南執紐龍王水旱二
 司无執之衆浮空而至說經八編西北運網
 龍王水旱二司无執之衆浮空而至說經九
 編上方布潤龍王水旱二司无執之衆浮空
 而至說經十編下方騰變龍王水旱二司无
 執之衆浮空而至十編周竟十方无極龍王
 水旱主者天真大神一時同至一國男女傾
 心歸仰來者有如細雨密霧各持珍寶供養

天尊瞻仰聖顏欣聞妙道於是元始光散諸
 天出霞萬道法身示變恍惚存亡水火二輪
 旋輝掩日霄音逸響流激千尋仙花散飛天
 樂互作靈音扇鶴瑞氣聚空天尊口吐玉文
 影羅億界發言微笑再告天人曰水旱者天
 地太少之氣生民所感不同故於方域之境
 其見各異又有天地司威之運與人氣交爭
 亦使之然水為陰溢旱為陽淫王者之德應
 於天地政平則時和溢則為水亢則為旱或
 帝德純穆恩逮八表而有水旱者即司威天
 時之制也歲丙辛戊癸太羽太徵之運災發
 一六二七之宮不得不為水旱水旱為世害
 之大過少即祈過太即攘祈穰十方龍王水
 旱二司大神俾調其氣正其令謹其時則民
 物无癘陰陽政等道不私用是時水大二輪
 合一成珠大如黍米在空玄之中去地五丈
 元始登引天真大神上聖高尊十方龍王水
 旱二司大神无執聚衆俱入寶珠之中天人
 仰看惟見拂拂從珠口中入既入珠口不知
 所在國人靡敢違奉教言元始即於寶珠之

內說經都竟衆真監度以授於我當此之時
 喜慶難言法事粗悉諸天復位校歎之間寂
 无遺響是時天人值過經法普得濟度金其
 本年无有中傷傾土歸仰咸平過心不悔不
 吝不亢不獨不昧不冒不淫不德不爽不誣
 言以善化口无嗔聲齊同慈愛異骨成親國
 安民豐欣樂太平經始出教一國以道預有
 至心宗奉禮敬皆得度世
 道言元始天尊說經中所言並是諸天上帝
 內名隱韻之音亦是真王內諱析穰水旱召
 龍致神百靈之隱名也非世之常辭上聖已
 成真人通玄究微能悉其章誦之十過諸天
 遙唱二象均行進退順常水旱不成祈穰隨
 應字有繁滋群魔東形鬼精滅爽代无飢饉
 福被兆人至學之士誦之十過祈澤世靈穰
 水濟源方界安和生物蒙祐所以爾者學士
 身中水火升降氣候履常格應二儀祈穰遂
 請穰律已消體而洞真召制十方龍神降祥
 威和德備保見長生輕誦此章身則被殃供
 養專擅時教堂盈世世昌熾與善因緣萬災

不干神明護門新經靈妙通奏玉京度人无量為萬道之先巍巍大範德難可勝

道言凡誦是經十過諸天齊到請雨則群龍吐雲玄澤滋福煙披霧集潤坎波涵請晴則皎日放明陰翳消殄陽光煥燭幽翳開昭而

好學至經功滿德就皆得神仙飛昇金闕遊宴玉京也上學之士修誦是經陰平陽秘水火內交皆即受度飛昇南宮世人受誦則五

內清康三田昌茂身中水旱道養元虧陰鼎陽鍊鍊真成道延壽長年後皆得作尸解之道竟神暫滅不經地獄即得返形遊行太空

此經微妙普度无窮一切天人莫不受慶无量之福生死蒙惠上天所寶不傳下世至士齋金寶效心盟天而傳輕泄漏慢殃及九祖

長夜鬼官侍經五帝玉童玉女各二十四人管衛神文保護受經者身

道言正月長壽誦詠是經析穰水旱使春夏華實各遂繁榮七月長壽誦詠是經析穰水旱過氣使平嘉茂克遂群實獲成十月長壽誦詠是經析穰水旱民物阜康天英積秀病

癘消穰為國王帝主君臣父子安鎮國祚使天長存歲歲豐稔常保元亨安鎮其方民稱太平八節之日誦詠是經析穰水旱循時虛

盈兩陽得宜動植咸寧本命之日誦詠是經身中水火升降二輪雙景合照安順天經竟神澄正道氣長存不經苦惱身有光明三界

侍衛五帝司迎萬神朝禮各書上天功滿德就飛昇上清道言行道之日皆當香湯沐浴齋戒入室

東向叩齒三十二過上聞三十二天心拜三十二過閉目靜思身坐赤黑黃三色雲氣之中內外翁冥有青龍白虎朱雀玄武

獅子白鶴羅列左右十方龍王水旱二司大神侍衛前後日月照明網煥室內項生圓象光映十方如此分明容呪曰

无上玄元太上道君召出臣身中三五功曹左右官使者侍香玉童傳言玉女五帝直符

直日香官各三十六人闕落所言今日吉慶長壽清堂修行至經无量度人願所落上徹徑御

无上三十二天元始上帝至尊几前年引悉三十二過東向誦經

元始无量度人上品妙經

元始洞玄靈寶本章析穰水旱降應度人承康隱韻妙感因緣大洞隱文空无至神虛皇

祖氣生有群真周流三境開化洞玄執綱持紐運輪彌綸朗耀大羅紫融碧炎洞煥九壘風水河源包括至化中宅萬靈陰陽升降天

地以寧陽乘為亢陰否為淫二氣錯繆水旱乃生壅塞冲和災我生民虛勞人力稼穡不成赤文告命召龍致雲永斷旱怪開通水津

大布教令普告十方中有祈穰水旱之神中有太少陰陽之君中有攝龍行兩大神中有

收歛陰雲翳景之真中有生成萬物延壽益算度厄尊神導迎和氣无量度人今日校錄諸天臨軒東方无極龍德神王長生大聖无量度人

南方无極龍爛神王長生大聖无量度人
 西方无極龍威神王長生大聖无量度人
 北方无極龍藏神王長生大聖无量度人
 東北无極龍變神王長生大聖无量度人
 東南无極龍慧神王長生大聖无量度人
 西南无極龍陰神王長生大聖无量度人
 西北无極龍昇神王長生大聖无量度人
 上方无極龍父神王長生大聖无量度人
 下方无極龍化神王長生大聖无量度人
 十方至真水火龍王長生度世无量大神並
 乘十色飛雲瓊輿朱輦碧蓋瑤輪駉駕神獸
 六馬華旌達八威降澤之節開六陽暉日之
 旂前嘯洞歌齊唱後吹虛籥同鳴獅子白鶴
 吟嘯囉囉五雷治道九變贊轅億乘萬騎得
 空而來傾光迴駕應祈護生三天丞相洞白
 右宮天樞上宰水旱大神執籙把籍齊到帝
 前考檢節氣太少運年隨所應格嚴校諸天
 普告三界无極神鄉九水寒夜泉曲幽關三
 官九府曹局名山八海五湖四瀆九江七澤
 六野十二靈賂雷電大神旱司火官揭日之

陽赫煙炎鑪火山炯地煥鬱陽曹元始符命
 時刻昇遷祈禳降答應香闕宣風雨霜雪隨
 今无愆若或過縱執送水官庶物昭蘇普惠
 兆民咸使受度得道長存隨劫輪轉與天齊
 年永度旱災水厄一切之難超凌三界逍遙
 上清上清之天天天帝洞雲无色之界梵行

東方八天

曆華昭庸天 帝丑都造晨
 紀靈素王天 帝揚琪秘清
 訥澄綠義章新天 帝竺嶽瞰頻
 覽覺玄居淨笑 帝伯林先
 明虛存一天 帝洞時光
 隱中慈信天 帝嗣蔚度田
 龍札書雲天 帝尊長自倫
 道冥朝極天 帝主器安秀
 南方八天
 椅真龍黎天 帝南子崇
 務津敬至天 帝重室專玄
 符傳九遠天 帝格斗司官
 進氣運樞天 帝望烈真

史侯博權天 帝重地元旺
 協吳輔靈泰感天 帝紀允交
 哈訶八極群報天 帝康求領言
 景耀化應天 帝正免遙流

西方八天

綠斜楚裁天 帝高涂順英
 靈遲迅智天 帝獨沂建鐘
 行皇轉流天 帝孝質夷冥
 辨氣司玄天 帝備黎汶
 定願祝祠天 帝踏方希斌
 光洞龍軍天 帝抱臺一復
 日鈴奔車天 帝估彌農
 崧谷養華天 帝黃時仲
 北方八天
 龍康耀雲天 帝六野非去
 海潤溢度天 帝迎婁遁網
 詔神消魔天 帝密多達慈
 魚塘沸蛟天 帝揭沙陀王
 錄功考泉天 帝肇安壽
 玄都北宮昭天 帝古歸起川

靈寶元量度人上品妙經 卷四七

靈寶元量度人上品妙經 卷四七

靈寶元量度人上品妙經 卷四七

靈寶元量度人上品妙經 卷四七

靈寶元量度人上品妙經 卷四七

靈寶元量度人上品妙經 卷四七

靈寶元量度人上品妙經 卷四七

靈寶元量度人上品妙經 卷四七

靈寶元量度人上品妙經 卷四七

靈寶元量度人上品妙經 卷四七

政令偏頗民物紛紜金錢前戮巨天後刑屠
割姦祛風火无停千千截首萬萬翦形魔无
干犯鬼无秋精三官北鄴明檢鬼管不得容
隱金馬驛呈普告无窮萬神咸聽三界五帝
列言上清

元洞玉曆水火運行神器在中大小无過混
純包之无色无淵風升氣舉積陽為天天上
天下无幽无冥无形无影无極无窮溟津大
梵遼廓无光赤明闕圖真火燎然八龍負水
九壘噴泉水火成之數落五篇赤書玉字鑄

金為篇保制劫運消息至均世久去道水旱
浮沈害傷生物勝伏追尋不知妙玄綿綿若
存梵悉彌羅萬範開張元網流演三十二天
輪轉水火升降昂旋斗歷箕迴度五常三
十五分總氣上元八景冥合氣入玄玄玄中

太上上帝高真從景乘霞嘯詠洞章金真朗
郁流響雲管太陽元精道合常經玉音攝氣
靈風聚煙陰景內煥雲澤翻翻紫虛鬱秀輔
翼萬仙水旱不作日月无偏千和萬合自然
成真神霄至尊長生大君東極宮中青華帝

君權水火籍臨萬國民祈禳納靈降福天人
无英在左白元在右太一在前司命在後桃
康海伯合延河候調鍊平暢水火數周執符
把籙保命生根上遊上清出入華房八冥之
內細微之中下通人身泥光絳宮中理五氣

混合百神三田豐植水旱无斧顧視一身天
地同營氣候不失華池液溫十轉回靈萬氣
齊仙仙道貴生无量度人上開八門飛天法
輪罪福禁戒宿命因緣水火二官統秉權衡
普受開度生世欣榮害氣永滅上聞諸天諸
天之上各有生門中有空洞謠歌之章真王
靈篇辭參高真

油雲展布 雷車輕輾 飛雨既來
百川盈尺 食墮爾窻 均平爾屋

下民何知 罹此愁毒 炎炎畏日
流金焦石 四野生煙 草木皆赤
有田兆折 墟可卜宅 不見泉聲
莫勾消灑 卒歲无儲 罹此災凶
我壇其封 洞歌鼓鐘 符召十龍

第一祈禳水旱飛空之音

靈寶元量度人上品妙經 卷四七

樂舞千童 焚香誦經 連誠紫宮
水旱止息 福祿濛濛 億載享太平
稽首青華宮

第二召龍致雨之章

大田南山 誅葦拔管 深耕速耘
度此歲寒 彼土如石 堅不可索
欲覲有成 天愛其澤 爰釀醪醴
潔醮皇壇 青龍街符 山隴潏潏
赤龍街符 飄雨班班 白龍街符
稂稂早繁 黑龍街符 積倉如壘
黃龍街符 雲霖雨瀾 十方龍君
憫此下民 滋及生物 茂泰傾仰
誠感三天 恩霑八垠 讚禮空洞章
驛龍莫輕芥

第三止雨請晴歌曰

水官弛禁 不鎖雷城 鬼盜其車
輪隨其餅 強龍未馴 泄雨霖霖
雲霧原野 烏集狐鶩 頑石有苔
枯桑出耳 田夫咄嗟 困徹其底
日匿于天 龍背生煙 不知世間

茅簷瀉滂 道初玉文 止雨請晴
陽光晨發 野馬如蒸 海嶽澄霽
萬谷蔽雲 符闢我田 乃築爾廬
日靜風和 生類以蘇 烈虛奠菜
四極真王 旋救歲直 富彼倉箱
祐世承平 教律斯昌 玉龍街燭
照映十方 聖壽萬年 衮衣黼裳
此三界之上飛空之中真王歌音音參洞章
誦之百徧萬物阜成誦之千徧和氣流通萬
徧道備水旱永消過度三界昇入神霄有關
靈音天司敬形教制地祇侍衛送迎拔出生
戶五苦八難七祖昇遷永離鬼官寬度朱陵
受鍊更生是謂无量普度无窮有秘上天文
諸天共所宗泄慢墮地獄禍及七祖翁
道言此二章並是諸天上帝及神霄真王隱
秘之音可以致雨請晴祈穰水旱佐國佑民
皆是大梵之言非世之常辭言无韻麗世无
華宛故謂玄奧難可尋詳上天所寶秘於神
霄玉清玉府東華經室運過壬辰應天以傳
若有至人齋金寶質心依舊格告盟天君然

後而付焉
道言夫天地之氣亦有差正子午卯酉為正
寅申巳亥為初辰戌丑未為終皆差也水旱
之災因天時差正之會或民之動息相輸應
以致之不及則祈之太過則穰之致雨為祈
請晴為穰凡有此災同氣皆當齊心修齋六
時行香十徧轉經福德立降消諸不祥无量
之文普度无窮
道言夫祈穰水旱致雨即於國西南除地為
壇壇四面安十方龍王形中安致雨靈符五
方貯水以桐竹枝青白楊枝安水中以青紙
墨書詞詣三元四海水曹太玄天機二省以
祈之請晴即於國南除地為壇壇並高九尺
為三仞上圓下方傍開四門門通九壘以為
步道四面安十方龍王形中安請晴靈符五
方施香火燈燭以破陰暝丹書青詞詣二省
火曹以穰之至人為其行香誦經十過祈穰
斯應不為歲災隨水旱大小為期初七日至
三七日為小期也精念懇達諸天監舉使得
神仙

道言夫四時失度陰陽不調則氣隨勝以為過故陰靈為水陽亢為旱所臨之境則民庶流移鳥獸失道疫毒流行橫夭傷亦當修齋行香誦經祈禳悔謝夫齋戒誦經功德甚重上消天災保鎮帝王下攘毒害以度兆民生世受賴其福難勝故曰无量普度天人道言凡有是經能為天地帝主兆民除穢水旱有災之日發心修齋燒香誦經十過皆諸天記名萬神侍衛右列至人剋得為聖君金闕之臣諸天記人功過毫分无失天中真王亦保舉爾身得道者乃當洞明至言也諸天中大梵隱語无量音 道君謨元始靈書水火三十二天祈禳中篇

東方八天

瑩唐機孫 耀徽瓊祖 壇池玉淵
 景龍允府 旋靈有校 嶽鍊卷魯
 竊玄建封 洵靈寶古 神穴銷蟻
 白龍薦午 陣飛斗和 鬼占角普
 乘聚析油 山萬緣韓 召杵甲黨
 九昆光桓

南方八天

驗稽率穢 赫迴耀丹 宸林杳叱
 萬華椿觀 帝丁率霞 馬哲逸還
 期逾峴籠 幽沙丘淵 斬觀苟術
 西靖煙隰 合升露遂 妖陀蔽佞
 戶呈牛黎 火洞賁闕 旅司要莫
 休牟師雷

西方八天

葵倚晏叟 拒靈齊辰 轉鋤有賢
 式尼汶牛 祠訛壽鬼 奔荼婁夷
 彌賞堂鉉 曰協使馳 獨恩德卓
 溢教侯負 左蘭契兆 牧臨侯端
 登符閱真 慶兵司陳 蕩忽卯皇
 勤度伊承

北方八天

虎聯袖閣 殺真空精 道審兼降
 雲黃交門 洞混叔火 撲沐指分
 合龜神護 昭清樊盈 敷魔正鄧
 省甫輔經 果陽眷懷 氣無順存
 叱洛泗爛 囚縛攝坤 太考生獲

靈冷鑿荀

道言此諸天中大梵隱語无量之音書文刻書太微紫微水火二宮蒼玉靈崖之上以行天地四時水火之氣神化之書功不能名世間學士祈禳水旱隨法丹墨書隱文著壇四門以召陰陽之氣水火之妖臨人境為害向有處安之大吉字皆廣長一文天真皇人昔書其文以為正音有知其音能齋而誦之者諸天皆遣飛天驛龍使者下觀其身書其功勳上奏神霄萬神朝禮地祇侍門大功三天命職洞玄道備勅得遊行三界昇入金門此音无所不辟无所不祈无所不禳无所不度无所不成天真自然之音也故誦之致天吏下觀上帝遙唱萬神朝禮三界侍軒群秩東首鬼精自亡琳琅振響十方肅清河海靜默山嶽吞煙萬靈振伏招集群仙天无氛穢地无秋塵冥慧洞清大量玄玄也

元始无量度人上品妙經卷之四十七